

ԳԻՏԱԿԱՆ ԼՐԱՑՈՒ

ԱՐՏԱՇԵՍ ԿԱՐԻՆՅԱՆ

(Մենդյան 75-ամյակի առիթով)

1961 թվականի նոյեմբերին լրացավ ականավոր բուլշևիկ, հասարակական գործիչ և գրականագետ-ակադեմիկոս Արտաշես Բալասանի Կարինյանի ծննդյան 75-ամյակը:

Ա. Բ. Կարինյանը իրավամբ պատկանում է լենինյան հին դվարդիայի այն գործիչների թվին, որոնք հոկտեմբերի արշալույսից դեռ շատ առաջ մտնելով Կոմունիստական պարտիայի շարքերը, իրենց ամբողջ գիտելիքները, կյանքն ու անսպառ եռանդը տրամադրել են բանվոր դասակարգի ազատագրության վեհ պայքարին և այսօր էլ ակտիվ մասնակցություն են ցուցաբերում կոմունիզմի հոյակապ շենքի կառուցմանը:

Նա ծնվել է Բաքվում, բանվորի ընտանիքում: Սկզբնական կրթությունն ստացել է Բաքվի առաջին գիմնազիայում և ապա ընդունվել ու հաջող կերպով ավարտել է Պետերբուրգի համալսարանի իրավաբանական ֆակուլտետը:

Ա. Կարինյանը իր հասարակական-քաղաքական կյանքն սկսել է շատ վաղ հասակից, երբ տակավին աշակերտ էր և ղեկավար մասնակցություն էր ունենում աշակերտական անլեգալ ուղղություն ժողովուրդի խմբագրմանը, մասնակցում ընդհատակյա խմբակների գործունեությանը:

Ա. Բ. Կարինյանը անցել է ուղղություն գործիչի մեծ ճանապարհ: Արդեն 1906 թվականին Կարինյանը հանդես է գալիս սոցիալ-դեմոկրատական մամուլի էջերում՝ բուլշևիկյան հայերեն առաջին լեգալ «Կայծ» թերթում տպագրվում է նրա «Բաքվի նորագույն անարխիստների մասին» հոդվածը:

Ա. Կարինյանի ուղղություն գործունեության մեջ խոշոր դեր է կատարել Ստ. Շահումյանը, որի հետ նա ծանոթացել է 1907 թվականին: Ստ. Շահումյանի և ապա Ս. Սպանդարյանի, Ա. Զափարիձեի, Վ. Կասպարովի ու ականավոր այլ լենինյանների գաղափարական ազդեցության տակ Ա. Կարինյանը հաստատ կերպով կանգնում է մարքսիզմի դիրքերում և դառնում կովկասյան բուլշևիկների ակտիվ գործիչներից մեկը:



1907 թվականին նրան, կովկասյան մի խումբ ուսանողների հետ միասին, բախտ է վիճակվում Ֆինլանդիայի Տերոիկի քաղաքում, ՌՍԴԲՊ Պետրոգրադի Կոմիտեի կողմից կազմակերպված բուլշևիկների ժողովում առաջին անգամ տեսնել ու լսել Վ. Ի. Լենինին:

1907—1910 թվականներին Կարինյանը մի շարք անգամ լինում է Բաքվում, մասնակցում բուլշևիկների մեջ տարվող ունուցիտն աշխատանքներին, ագիտացիոն-պրոպագանդիստական աշխատանք ծավալում նրանց շրջանում: Նա միաժամանակ սերտ շփում է ունենում Ստ. Շահումյանի, Վ. Կասպարովի և այլ ականավոր բուլշևիկների հետ: 1908 թվականից սկսում է թղթակցել «Կավկասյանի ռաբոչի» թերթին, որի խմբագիրներն էին այդ ժամանակ Ստ. Շահումյանը, Ա. Զափարիձեն, Ս. Սպանդարյանը և ուրիշներ:

Ռուսական առաջին ունուցիտայից հետո ամբողջ կրկրով մեկ մոլեզնեց ստոլիպինյան ունուցիտն: Նա իր արտահայտությունը գտավ նաև գաղափարախոսության և այդ թվում գրականագիտության ասպարեզում: Բուլշևիկները պայքարելով ստոլիպինյան ունուցիտի դեմ բոլոր ուղղություններով, լուրջ ուշադրություն են դարձնում նաև բուրժուական նացիոնալիզմի դեմ մղվող պայքարին:

Բուրժուական նացիոնալիզմի դեմ գաղափարական պայքարն ուժեղացնելու և հայ բանվորներին ու գյուղացիներին մարքսիզմի և պրոլետարական ինտերնացիոնալիզմի ոգով դաստիարակելու նպատակով, Ստ. Շահումյանի նախաձեռնությամբ ու ղեկավարությամբ 1911 թվականին լույս է տեսնում գրական-հասարակական «Նոր խոսք» ժուռնալը, որի խմբագրական կոլեգիայի անդամ է դառնում նաև Ա. Կարինյանը:

Այս փաստը բավական է գնահատելու այն մեծ վստահությունը, որ տածում էր Ստ. Շահումյանը Արտ. Կարինյանի նկատմամբ՝ արդեն 1910 թվականին: «Նոր խոսքի» էջերում Ստ. Շահումյանի, Ստոպանու և ուրիշների հետ միասին տեսական որոշակի արժեք ներկայացնող մի շարք հոդվածներով հանդես է գալիս նաև Արտ. Կարինյանը, որոնցում նա մարքսիստական դիրքերից քննարկում է հայ գրականության ժամանակակից հարցերը: Կարինյանը էական ավանդ է ներմուծում բուլշևիկյան հայ ժուռնալիստիկայի ստեղծման գործում:

Իր գրական-հասարակական գործունեությանը զուգընթաց, բուլշևիկ հրապարակախոսը ակտիվ մասնակցություն է ունենում բանվորների շրջանում տարվող ունուցիտն պրակտիկ աշխատանքին: Նա անխոնջ պայքարում է հայ, ռուս, ադրբեջանցի, վրացի և Կովկասում բնակվող այլ ազգերի բանվորների ու գյուղացիների ինտերնացիոնալ համախմբման համար: Արտ. Կարինյանը եղել է և իր ամբողջ էությանը մնում է որպես բուլշևիկ-ինտերնացիոնալիստ:

Արտ. Կարինյանի ունուցիտն գործունեությունը աննկատ չի մնում ցարական ինքնակալությանը: 1913 թվականին ոստիկանությունը մի խումբ բուլշևիկ բանվորների հետ միասին ձերբակալում է նաև Արտ. Կարինյանին, նետում բանտ և ապա արտաքսում Բաքվից ու Կովկասից: Ցարական իշխանությունները հինգ տարով արգելում են նրան ապրել Կովկասի սահմաններում:

Ռեպրեսիաները, բանտն ու արքսորը շեն ընկճում հավատարիմ լենինյանի կամքը: Նա շարունակում է իր ունուցիտն պայքարը՝ է՛լ ավելի մեծ ատելությունով և անհատական ինքնակալության դեմ: 1914 թվականին Կարինյանը «Պրավդա»-ի էջերում հանդես է գալիս մի շարք հոդվածներով ու ղեցենզիա-

ներով: Ուշագրավ են հատկապես նրա հողվածները Մաքսիմ Գորկու պատմրվածքների, պրոլետարական գրողների ժողովածուի և այլ հարցերի մասին:

«Պուտ Պրավդի» թերթի հավելված «Ռարոչի» ժուռնալի № 2-ում 1915 թվականին տպագրած «Պրոլետարական գրողների ժողովածուի մասին» ընդարձակ գրախոսականում Ա. Կարինյանը սուր ծաղրի է ենթարկում դեկադենտներին, որոնց համար կապիտալիստական հասարակությունը հանդիսանում է «հավերժական» իրավակարգ՝ անսասան հիմքով: Յույց տալով, որ մենևոզ դասակարգերի բոլոր արվեստագետների մոտ անզուսպ սեռական խրախճանքի և անասնական կյանքի քարոզը միշտ զուգորդվել է մռայլ հոռետեսության և ինքնասպանության քարոզի հետ», Արտ. Կարինյանը բացահայտում է, որ բոլորովին այլ է մարտնչող հասարակարգի խավերի հոգեբանությունը, պրոլետարական խավերի հոգեբանությունը, որ «պրոլետարիատի գաղափարախոսությունը միակ առաջավոր գաղափարախոսությունն է, որովհետև պրոլետարիատը ձգտում է՝ հենվելով հասարակական զարգացման օրենքների վրա, վերակառուցել ամբողջ հին աշխարհը»:

1916 թվականին Կարինյանը ակտիվ կերպով աշխատակցում է հայկական սոցիալ-դեմոկրատական պարտիզոնական «Պայքար» թերթին, որտեղ տպագրում է մի շարք հրապարակախոսական և գրական-քննադատական հողվածներ: 1917 թվականի առաջին կեսը Կարինյանը նորից անց է կացնում Պետրոգրադում, բայցում ցարական ինքնակալությունը տապալողների շարքերում: Նրան մեծ բախտ է վիճակվում 1917 թ. ապրիլին լինել ֆինլանդական կայարանում, լսել մեծ Լենինի հռչակավոր ճառը:

Հոկտեմբերյան Սոցիալիստական Մեծ ռևոլյուցիայի հաղթանակը նոր ուժ ու եռանդ է հաղորդում ականավոր ռևոլյուցիոններին: Նա բուռն խանդավառությամբ մասնակցում է մեծ Հոկտեմբերի նվաճումները պաշտպանելու և Հոկտեմբերյան ռևոլյուցիայի հաղթանակն Անդրկովկասում ապահովելու համար մղված պայքարին: 1917 թ. աշնանը Արտ. Կարինյանը նորից գալիս է Բաքու: Սկսվում է նրա կյանքի ու պայքարի նոր, փայլուն էտապը: Ստ. Շահումյանի և Ա. Ջափարիձեի առաջարկով Կարինյանը ընտրվում է «Բանվորների և զինվորների դեպուտատների Բաքվի Սովետի տեղեկագրի» խմբագիր: Այդ թերթը, ինչպես հայտնի է, խոշոր դեր է կատարել ոչ միայն Բաքվի, այլև ամբողջ Անդրկովկասի բազմազգ պրոլետարիատի ռևոլյուցիոն պայքարի կազմակերպման գործում:

Արտ. Կարինյանը Բաքվի Սովետի և նրա Գործադիր Կոմիտեի անդամ էր, Պարտիայի Բաքվի Կոմիտեի անդամության թեկնածու: 1918 թվականի ապրիլին ստեղծվում է Բաքվի Ժողկոմսովետը՝ Ստ. Շահումյանի զլխավորությամբ: Արտ. Կարինյանը ընտրվում է Բաքվի Ժողկոմսովետի Արդարադատության կոմիսար և ակտիվ մասնակցություն է ունենում Կոմունայի գործունեությանը: Նա այս շրջանում հանդես է գալիս բազմաթիվ հողվածներով:

Ուշագրավ է Արտ. Կարինյանի «Քաղաքային ինքնավարությունը և դեմոկրատիան» բրոշյուրը, որը հեղինակը գրել է Ստ. Շահումյանի հանձնարարությամբ և հրատարակել է 1917 թվականին Բաքվում: Այդ բրոշյուրում բանվորների համար մատչելի լեզվով հեղինակը սուր քննադատության է ենթարկում ցարական ինքնակալությունն ու կովկասյան քաղաքների դումաները, որտեղ նստածները մտածել են ոչ թե ժողովրդի շահերի մասին, այլ օգտագործել են իրենց դիրքերը աշխատավոր ժողովրդին շահագործելու, նրան հարստահարե-

լու և նրա հաշվին իրենց գրպաններն ուռճացնելու համար: Կարինյանը այնուհետև ցույց է տալիս, թե ինչպիսին պետք է լինի իսկական ժողովրդական քաղաքային ինքնավարությունը, որտեղ կարող են ընտրվել միայն ժողովրդի ներկայացուցիչները, և որոնք ծառայելու են միայն ժողովրդի բարօրությանը: «Քաղաքային ինքնավարությունը,— գրում է Ա. Կարինյանը,— միմիայն այն պարագայում կարող կլինի բավարարություն տալ ժողովրդական լայն տարրերի կարիքներին, երբ ինքը, պետությունը կօգնի նրան ու կօժանդակի» (էջ 30): Այս բրոշյուրը ժամանակին որոշակի դեր խաղաց քաղաքի աշխատավոր մասսաների դասակարգային ինքնագիտակցության բարձրացման գործում:

Բաքվի կոմունայի անկումից հետո Արտ. Կարինյանը աշխատում է Մոսկվայում՝ Ազգությունների ժողովրդական կոմիսարիատին կից Հայկական Գործերի Կոմիսարիատում, մասնակցում է հայերեն «Կոմունիստ» ժուռնալի խմբագրմանը և ապա խմբագրում է «Կարմիր դրոշ» թերթը:

Հետագայում Պարտիայի Կենտկոմի հանձնարարությամբ, որպես քաղաքական կոմիսար, աշխատում է Մ. Կալինինի անվան «Սովետական Կովկաս» ագիտ-հրահանգչական գնացքում, որը պործում էր Կովկասի ազատագրված վայրերում:

Հաջողությամբ կատարելով պարտիայի այդ պատասխանատու հանձնարարությունը, նա վերադառնում է Մոսկվա և ՌԿ(բ)Պ Կենտկոմի հանձնարարությամբ մեկնում Պետրոգրադ, որտեղ ղեկավարում է նարվա-Պետրոգրադյան շրջանի պարտիական դպրոցը:

1921 թվականի վերջերին Արտ. Կարինյանը գործուղվում է Հայաստան, որտեղ ընտրվում է ՀԿՊ Կենտկոմի անդամ: Պարտիայի հանձնարարությամբ Արտ. Կարինյանը որոշ ժամանակով մեկնում է արտասահման՝ գաղութահայության մեջ աշխատանք տանելու համար: Նա լինում է Թուրքիայում, ապա Ամերիկայի Միացյալ Նահանգների մի շարք քաղաքներում:

Սովետական Հայաստանում Արտ. Կարինյանը երկար տարիներ վարել է պարտիական-սովետական ղեկավար պաշտոններ, եղել է ՀՍՍՌ Կենտգործկոմի նախագահ, նա բազմաթիվ անգամ ընտրվել է ՀԿՊ Կենտկոմի անդամ, ՀՍՍՌ Կենտգործկոմի, ՌԿ(բ)Պ Կովկասյան Նրկրային Կոմիտեի, Անդրֆեդերացիայի Կենտգործկոմի նախագահության անդամ:

1928 թվականից հետո, երբ Արտ. Կարինյանը ազատվում է ՀՍՍՌ Կենտգործկոմի նախագահի պարտականություններից, տեղափոխվում է Թբիլիսի, որտեղ 1929—30 թվականների ընթացքում խմբագրում է «Անդրկովկասի ժողովրդական տնտեսություն» ժուռնալը: Հետագայում Կարինյանը նորից վերադառնում է Հայաստան, որոշ ժամանակ խմբագրում է «Նոր ուղի» ժուռնալը, իսկ ավելի ուշ նշանակվում է Լուսավորության ժողկոմի տեղակալ, իսկ հետագա տարիներին զբաղվում գրականագիտության հարցերով:

Ա. Կարինյանի գրչին են պատկանում բազմաթիվ հոդվածներ, որոնք տպագրվել են նախասովետական բուլղեիկյան մամուլում, բրոշյուրներում և պրոբլյուններու Դրանց թվում «Քաղաքային ինքնավարությունը և դեմոկրատիան» (Բաքու, 1917 թ.), «Իմպերիալիստական պատերազմը և Հայաստանը» (1924 թ.), «Հայ ազգայնականների ուղին» (1926 թ.), «Անդրկովկասը 1905 թվին» (1927 թ.), «Դաշնակցությունը և իր զինակիցները» (1932 թ.), «Նավթը և հայկական հարցը» (1929 թ.) և այլ աշխատություններ: 1934 թվականին հրատարակվեց Արտ. Կարինյանի երկերի ժողովածուն, որտեղ տեղ են գտել

ոուսական և հայ բուլշևիկյան մամուլի էջերում հեղինակի տպագրած հրապարակախոսական հոդվածները:

1956 թվականին լույս տեսավ Արտ. Կարինյանի «Ակնարկներ հայ պարբերական մամուլի պատմության» շորսհատորյակի առաջին հատորը, իսկ 1960 թ. 2-րդ հատորը: Այս միանգամայն ուշագրավ մենագրության առաջին հատորում հեղինակը մեր պատմագրության մեջ առաջին անգամ գիտական լուրջ և հաջողված փորձ է կատարում հնդկահայ պարբերական մամուլի պատմական տեսությունը տալու ուղղությամբ, իսկ երկրորդ հատորում բնութագրվում են գաղութահայ այն պարբերականները, որոնք լույս են տեսել Արևմրտյան Եվրոպայում 19-րդ դարի սկզբից մինչև 70-ական թվականները: Այստեղ հեղինակը քննական վերլուծության է ենթարկում մասնավորապես Վեսետիկում, Վիեննայում, Փարիզում և Մանչեստրում հրատարակված հայ պարբերականները: Այս աշխատության գիտական հասարակական արժեքը հատկապես ընդգծելի է այն փաստով, որ ակադեմիկոս Կարինյանը կարողացել է բազմակողմանիորեն ցույց տալ Վենետիկի և Վիեննայի Մխիթարյանների կապը Վատիկանի կաթոլիկական կղերապետության հետ և գնահատելով նրանց պարբերականները, միաժամանակ մերկացրել է նրանցում ցայտուն կերպով նշմարվող կաթոլիցիզմը: Մենագրության 3-րդ հատորը, որի լույս ընծայմանը սպասում է մեր հասարակայնությունը, պարունակելու է Թուրքիայում և Ռուսաստանում լույս տեսած հայ պարբերականների բնութագիրն ու տեսությունը:

Ականավոր գիտնականի մեծ վաստակը բարձր է գնահատվում գիտական հասարակայնության կողմից: Նա ՀՍՍՌ ԳԱ իսկական անգամ է և այժմ հաջողությամբ աշխատում է ՀՍՍՌ Գիտությունների ակադեմիայում որպես հասարակական գիտությունների բաժանմունքի ակադեմիկոս քարտուղար:

Կարինյանը հասարակական խոշոր գործիչ է: Նա լենինյան մրցաճակատաբաշխության կոմիտեի անդամ է: Մեր պարտիան և կառավարությունը բարձր գնահատելով Արտ. Կարինյանի ծառայությունները, նրան պարգևատրել է կառավարական շքանշաններով ու մեդալներով:

1961 թվականի սեպտեմբերին ՀԿՊ 22-րդ համագումարը Կարինյանին ընտրեց ՀԿՊ Կենտկոմի անդամ: Նա միաժամանակ ղեկավարում է Գիտությունների ակադեմիայի Գրականության ինստիտուտի ժողովախորհրդի սեկտորը և խոշոր ծառայություններ ունի երիտասարդ գիտական կադրերի պատրաստման գործում: Չի կարելի առանց շնորհակալության նշել այդ փաստը: Նա ժամանակ է գտնում լսելու և օգնելու բոլոր նրանց, ովքեր նրա օգնության կարիքն են զգում:

Չնայած իր պատկառելի տարիքին, Ա. Կարինյանն ապրում է իր ուժերի ծաղկման էտապում և մեր հասարակությունը նրանից ունի մեծ սպասելիքներ՝ մեր գիտության և կուլտուրայի զարգացման զործում:

Գ. Ա. ԳԱԼՈՅԱՆ

* * *

ՍՄԿՊ Կենտկոմին կից Մարքսիզմ-լենինիզմի ինստիտուտի Հայկական ֆիլիալի նիստերի դահլիճում կայացավ երեկո նվիրված Հայկական ՍՍՌ Գիտությունների ակադեմիայի ակադեմիկոս, հին բուլշևիկ, ականավոր հասարակական գործիչ և գրականագետ Արտաշես Կարինյանի ծննդյան 75-ամյակին:

Մարքսիզմ-լենինիզմի ինստիտուտի Հայկական ֆիլիալի գիրեկտոր, ՀՍՍՌ Գիտությունների ակադեմիայի թղթակից անդամ Ս. Աղայանի բացման խոսքից հետո Արտաշես Կարինյանի հասարակական-գրականագիտական գործունեությանը նվիրված զեկուցումով հանդես եկավ ֆիլիալի գիրեկտորի տեղակալ, պատմական գիտությունների թեկնածու Գ. Գալոյանը:

Հոբելյարին ողջունեցին՝ ՀՍՍՌ Գիտությունների ակադեմիայի նախագահության կողմից՝ ակադեմիայի վիցե-պրեզիդենտ, ակադեմիկոս Ա. Հովհաննիսյանը, Երևանի Շահումյանի անվան զպրոցի պիոներների անունից՝ պիոներ Ս. Մուրադյանը, Մ. Աբեղյանի անվան Գրականության ինստիտուտի կոլեկտիվի կողմից՝ ինստիտուտի գիրեկտոր Գ. Հովնանը, Երևանի Պետական համալսարանի ռեկտորատի, պարտիական կոմիտեի և կոլեկտիվի կողմից՝ փիլիսոփայական գիտությունների գոկտոր Հ. Գաբրիելյանը, ՀՍՍՌ Գրողների միության վարչության անունից՝ հին բոլշեիկ Ա. Վարդանյանը, ռեսպուբլիկայի ժուռնալիստների միության կողմից՝ «Հայաստանի աշխատավորուհի» ամսագրի խմբագիր Ա. Երիցյանը, ակադեմիայի Հնագիտության և ազգագրության ինստիտուտի կոլեկտիվի անունից՝ ինստիտուտի գիրեկտոր, պատմական գիտությունների գոկտոր Բ. Առաքելյանը, ՄԼԻ-ի Հայկական ֆիլիալի կոլեկտիվի անունից՝ պատմական գիտությունների թեկնածու Վ. Ներկարարյանը, Արվեստի ինստիտուտի կոլեկտիվի կողմից՝ արվեստագիտության թեկնածու Մ. Մուրադյանը, հին բոլշեիկներ Ա. Աղամալյանը, Ա. Թումանյանը և ԳԱ «Տեղեկագրի» (հաս. գիտ.) խմբագրության կողմից՝ պրոֆեսոր Գ. Աբովը:

Երեկոյում հրապարակվեց ՀՍՍՌ ԳԱ ակադեմիկոս Ա. Գ. Հովհաննիսյանի ողջույնի շնորհավորագիրը:

Հայաստանի Կոմունիստական պարտիայի Կենտկոմի անունից հոբելյարին ողջունեց և ստեղծագործական նորանոր հաջողություններ ցանկացավ ՀԿՊ Կենտկոմի ագիտացիայի և պրոպագանդայի բաժնի վարիչ, պատմական գիտությունների թեկնածու Վ. Ավետիսյանը:

Ա. Բ. Կարինյանի ծննդյան 75-ամյակի առթիվ ստացված բազմաթիվ հեռագրերի մի մասը հրապարակվեց:

Վերջում հուզիչ խոսքով հանդես եկավ անվանի գիտնականը:

— Շնորհակալություն այն ջերմ խոսքերի համար, — ասաց նա, — որ ասվեցին իմ հասցեին: Ես անչափ երջանիկ եմ զգում նրա համար, որ իրականացած եմ տեսնում այն լավագույն երազանքը, որի համար մարտնչել է բոլշեիկյան պարտիայի հին գվարդիան, որի շարքերում աճել ու դաստիարակվել եմ ես: Իմ ուժերն ու գիտելիքները այսուհետև ևս չեմ խնայի իմ հարադատ ժողովրդին: Ժառանգեցե՛լու գործում: